



# ~~CORRUPTION~~

FIGHTING **CORRUPTION** IS EVERYONE'S BUSINESS

**MOHALA WA MALALAALOTSWE WA NAHA  
WA TWANTSHO YA BOBODU (NACH)**

**0800 701 701**



Bobodu ke sewa se kginang kgolo ya moruo le ntshetsopele ya setjhaba ka hara Afrika Borwa.

Ofisi ya Mokhomishenare wa Tshebeletso ya Mmuso (OPSC), hara tse ding, e na le boikarabelo ba ho fuputsa, ho hlokomela le ho hlahloba tlhophiso le tsamaiso ya Tshebeletso ya Mmuso.

Bobodu bo ka hara Tshebeletso ya Mmuso bo sitisa phano ya ditshebeletso e sebetsang hantle ka ho ruisa basebeletsi ba etsang diketso tsa bobodu ka ditjhelete tse lebaneng le ntshetsopele ya maphelo le boiphediso ba batho ka hare ho naha. Kantle ho ho eketsa ditjeho tsa ditshebeletso tsa mmuso le ho kgina phano ya ditshebeletso setjhabeng, bobodu bo pharalletseng bo ka balehisa boramatsete.

Re tla atleha ntweng ya rona ya bobodu ha feela baahi bohle ka hare ho naha ya rona ba ka ba le seabo ntweng ena. Ha o ka wa bona ho hong ho etsahalang, se thole; tlaleha bobodu ka ho letsetsa nomoro e sa lefelloweng ya NACH ho: 0800 701 701.

## DINLHA TSA SEHLOOHO KA MOHALA WA NACH

- Ke mehala e fetang **300 000** e tlalehang diketso tse belaelwang tsa bobodu le tsamaiso e mpe e seng e ile ya amohelwa haesale NACH e thakgolwa ka selemo sa 2004.
- Ditemoso tse fanweng ke dihlabamokgosi di thusitse ho **fuputsweng ha dinyewe tse ka hodimo ho 24 035 tsa bobodu, boqhekanyetsi le ditlolo tse ding tsa molao** tse entsweng ke mafapha a mmuso le makala a mang a phethahatso ya molao.
- Kotareng ya pele ya selemo sa ditjhelete sa 2021/22, OPSC e amohetse dinyewe tse 337 tse amanang le bobodu ho tswa ho NACH.
- Dinyeweng tsena tse 337, OPSC e **fupuditse dinyewe tse 35 tsa kgiro le theko e sa tsamaiswang ka nepo**. Dinyewe tse setseng ho tsena di ile tsa fetisetswa mafapheng a mmuso kapa makaleng a mang a phethahatso ya molao bakeng la dipuputso.
- **Dihlabamokgosi di ka tlaleha boqhekanyetsi le bobodu ka lenyele ka ho romela imeile ho [Integrity@publicservicecorruptionhotline.org.za](mailto:Integrity@publicservicecorruptionhotline.org.za) kapa ka ho letsetsa nomoro e sa lefelloweng ya NACH ho: 0800 701 701.**

**Tlaleha diketso tsohle tse belaelwang tsa bobodu bo Tshebeletsong ya Mmuso kantle ho tshabo kapa leeme.**